

IZVJEŠTAJ O REALIZOVANOJ MATURALNOJ EKSURZIJI 2025. GODINE

- 1. Dan:** U ponedjeljak, 05. 05. 2025. godine, u 04.30h, uslijedio je polazak ispred zgrade pošte u Šićkom Brodu. U udobnom i prostranom autobusu izabrane agencije Oceanik, bila su 24 đaka JU OŠ “Bukinje”, nastavnice/razrednice: Elvira Šišić, ispred 9a i Sabina Avdić ispred 9b, koji su ispraćeni od strane roditelja naših đaka i direktora Edina Tulića. Grupa od šest (6) đaka JU OŠ “Husino”, čekala nas je u pratnji roditelja i pratioca grupe, nastavnika Nermina Brkića na autobuskoj stanici na Husinu. Zajedničko putovanje, nastavljeno je u pravcu Sarajeva i Konjica. Nakon kraće pauze u Olovu, u Konjica stižem oko 07.30h što smo iskoristili za fotografisanje i šetnju po užem dijelu grada.



Za uspomenu iz Konjica

Oko 08.30 krenuli smo autobusom u najavljenju posjetu Titovom bunker, koji nas je fascinirao. Kustos Lamija, ispričala nam je mnogo detalja vezanih za samu gradnju, postojanje i namjenu Titovog bunkera, a posebno nas je fascinirala činjenica da niko do početka ratnih zbivanja u Bosni i Hercegovini 1992/1995. nije znao za njegovo postojanje. Ranije smo upoznati da su svi koji su učestvovali u gradnji i donošenju odluke o izgradnji i kasnijem održavanju, morali potpisati zakletvu o tajnosti. U toku kretanja po tunelu, nemate osjećaj da idete u utrobu zemlje i da se npr. “Konferencijske dvorane” koje smo posjetili, nalaze na dubini od 258m. Ni po čemu se ne da naslutiti da dvije kamuflažne kuće, “kriju” postojanje ovog objekta, napravljenog za zaštitu Josipa Broza Tita, tadašnjeg predsjednika SFRJ, njegove supruge Jovanke, te najbližih saradnika i radnika na upravljanju i održavanju tunela, u slučaju atomskog rata. Boravak je sa svim ispunjenim uslovima, mogao trajati šest mjeseci za 350 osoba. Nakon obavljene posjete, đaci su istakli da se o ovoj posjeti može dugo, dugo, pričati, ali je, za potpuni doživljaj najbolje, doći, vidjeti i obići, što toplo preporučujemo.



Kamuflažne kuće i dio unutrašnjosti bunkera



Detalji zabilježeni tokom obilaska Titovog bunkera

S obzirom da smo ranije završili posjetu Titovom bunker, u zajedničkom dogovoru smo odlučili da ne idemo na smještaj u hotel (u sobe se prema hotelskim pravilima ulazi od 14h), nego u posjetu Radimlju kod Stoca. U Radimlju stižemo oko 12.30, gdje smo u Muzeju pogledali kratki promotivni film, a potom obišli nekropolu stećaka. Kustos nam je ispričao o historijskim karakteristikama, kakve su vrste stećaka u Radimlju i sa čime sve Stolac raspolože.



Posjeta nekropoli stećaka Radimlja kod Stoca

U Hotel „Ada“ u Blagaju, stižemo na bogati ručak, nakon kojeg se smiješamo u sobe. Daci su ranije obavili dogovor ko bi s kim volio biti u sobi, pa su tako i raspoređene trokrevetne i četvorokrevetne sobe. Dio kompleksa i hotela u kojem smo bili smješteni je novije gradnje, a sobe su bile opremljene, uredne i čiste.



Hotel Ada Blagaj

Vrijeme do večere iskoristili smo za odmor i kupanje u zatvorenom bazenu (u grupama). Preduzete su mjere sigurnosti i bezbjednosti u prostoru bazena, saune i jakuzija. U večernjim satima, nakon večere, uslijedilo je druženje uz muziku ispred hotela. Na spavanje je grupa otišla, nešto prije pola noći.

2. Dan: Nakon buđenja i sređivanja soba, imali smo obilan doručak, nakon kojeg smo krenuli na Karaotok, sa namjerom da obiđemo Hutovo blato, najveći rezervat ptica, biljaka i životinja na području Evrope. Zaposlenici hotela Ada, obezbijedili su nam lanch-paket, umjesto ručka. Vožnja barkama, trajala je oko pola sata, a za to vrijeme uživali smo u letu: čaplji, roda, ljepoti lokvanja, zvončica i drugog rastinja. Obišli smo sadržaje adrenalinskog parka i uputili se na slapove Kravice između Čapljine i Ljubuškog.



Plovidba rezervatom Hutovo blato

Slapovi Kravice, uvijek i iznova oduševavaju posjetitelje, pa su tako i naše đake, Fotoaparati su radili punom parom, a oni najhrabriji su se umivali vodom iz hladnog Trebižata. Kupili smo pokoji poklončić za naše najdraže. Poslije obilaska, osvježili smo se sendvičima, voćkom i sokom iz lanch-paketa.



Na slapovima Kravice



Na parkingu slapova Kravice

Neumorna ekipa, nastavlja sa edukativnim tempom i već sa Kravica, odlazimo u posjetu Počitelju. Obišli smo neizostavno Šišmanpašinu džamiju, malo pazarili na obližnjim tezgamama, a neki su se zasladili sladoledom i slasnim hercegovačkim trešnjama.



U dvorištu Šišmanpašine džamije sa pogledom na počiteljsku tvrđavu

Obilasku i posjetama nikad kraja, pa smo ovaj drugi, sadržajni dan maturalne ekskurzije, završili na Buni. Šaci su bili oduševljeni ljepotom Bune i sadržajima koje se nude gostima.



Posjeta Buni, sa pogledom na Tekiju

Po povratku u hotel, grupa je vrijeme nakon večere, iskoristila za nešto duže kupanje u zatvorenom bazenu. Odmora nije bilo, pa smo noć proveli u gledanju fudbalske utakmice Inter-Barselona. Iako je Barselona izgubila, umorni smo i zadovoljni otišli na sapavanje.

3. Dan: Nakon doručka i predaje soba, napustili smo Hotel Ada, uz zahvalnost na divnom prijemu grupe. Posljednji dan ekskurzije, iskoristili smo za posjetu Mostaru, neizostavnom starom dijelu, Starom mostu, ispijanju kahve uz Neretvu i slasnim sladoledima.



Na i ispod Starog mosta u Mostaru

Obišli smo i ostatak novijeg dijela Mostara, gdje je smješten Trgovački centar Plaza i nakon ručka po slobodnom izboru, krenuli za Tuzlu. Napravili smo kratke pauze u Jablanici, Olovu i oko 19.00h stigli u Šićki Brod. Sve vrijeme smo bili u kontaktu sa roditeljima đaka, koji su s radošću dočekali svoje meturante.

Fotografije: nast. Nermina Brkića, Sabine Avdić, Elvire Šišić, učenica Ajle Omerašević i Adine Zarić

Izvještaj pročitati na Svečanoj sjednici Nastavničkog vijeća, 09. 05. 2025.

Izvještaj sačinila:

Razrednica 9-a Elvira Šišić, vođa grupe